

奇人奇事

王止峻

又談技擊名家孫福全

孫福全在技擊武學方面的精采軼事，還有下列幾件可資記述。

日人欽服絕技驚世

一、五十年前民國十八年日本名拳擊家塚島，到北京，聞京師人盛譽孫福全之拳藝，疑信參半，便拜訪孫福全求教，孫遜謝拒與較技，日人堅請，令孫仰臥地毯上，彼則跨坐於孫之腹部，兩手以全力按胸際，視孫能否脫困而起，孫以指點其腹，彼躍起仆數尺外；日人驚疑錯愕，請再試，仆如前，遠且過之，塚島羞忿而起，猛撲孫，孫惟閃避，不忍傷之，日人不知進退，殺手頻施，以圖洩忿，孫不得已，以拳拳出擊，日人仆丈外，急起瞞跚而去，翌日，日人攜重金欲拜門牆習藝，孫曰：吾約不收外國人為弟子，不能破例也。

二、輕身跨騎：清季軍機大臣鹿傳霖之季子，性嗜武；喜騎馬，延孫為師。一日，鹿季子，新得駿騎，乞孫同郊外試馬，季子首先騎騁一匝，霜蹄逐風，誠良驥也；季子復懇孫策馬一試！孫曰：余勉強行之，未有所長，待子放馳數趟，余再效顰可耳，於是季子整轡，節挾、鞭策，孫俟

馬行數弓，乃尾蹶其後，縱身如飛燕穿簾，已附於馬上，如蜻蜓之點水，以兩手輕按季子之肩，斯時突突馳馳，馬奔若飛，而季子不之覺也，觀者彩聲雷動，歎孫技之輕靈矯捷如此為世少見。

同門未識比武攀交

三、周玉祥拜服孫福全：周玉祥，河北省武清縣人，面黑而麻，身體健壯，性豪爽，有膽力，精於技擊，縣人皆欽其拳擊與義氣，有盜夜竊鄰屋，周聞而持刀往救，至則盜凡三四輩，周刀傷盜二人，餘逃逸，鄉遂免劫，鄉德周救，益相親善，一日，鄉翁謂周曰：以汝之健康身，豪爽性，實係一俠士資質，若能於拳技上再加深造，為人間伸正義，除強梁，庶不負男兒好身手也，北京名師多人，如八卦拳之程廷華，太極拳之孫福全等，聲名籍籍，一代尊師；皆可前往投拜，現可先往大名府，謁鎮台某公，數公子皆嗜拳技，聘一河南籍拳師習藝，可前往小試牛刀，然後再往北京，周遵鄉翁言，即往大名府謁某鎮台，某鎮台急欲其子得名師之指導，聞聲震大名遐邇之周大拳師至，竭誠迎待，河南籍拳師，聞周至，遂擺擂台，與周較技，周喜，一躍台上，與河

南師對較，周盤走如風，不可捉摸，河南師知遇高手，自落下風，覩規地離開鎮台所聘拳師而去；鎮台之公子，喜得高師，優禮有加，有一拳師，欲得鎮台家之優遇拳師地位，來與周較，某用反背拳，向周反擊，周就勢鼓氣迎拒，某遂不支跌仆，周之大名愈盛，地位愈穩，無人敢與爭席矣，周本蓬戶甕牖，一介寒氓，自入鎮台家為拳師，待遇優渥，生活自加改善。

鼎鼎大名的孫福全，幼年曾與周一度同門習藝，然彼此僅知姓名，並不識面，孫路過大名，知周在此教拳，同門之誼，便投刺拜訪，周看姓名為孫福全，疑問曰：彼何人？余向未聞名，雖然可請客入。孫以周態度冷淡，頗悔來訪，嘗聞師友輩言，周麻子性狂傲，好矜己薄人，對門友猶如此，況他人乎，殊悔拜訪之多事，然既允相見，遂慨然會面，周因不識孫面，問曰：若來訪我，必係武術中人，不知君所習何派何門？孫曰：僅習幾手花拳繡腿，特仰大名來拜耳，周視孫瘦弱若雞者，因過手欲將孫於地，而孫一轉身，便將周擲出十餘步外，幸為牆垣所攔，否則當更遠也，再試之亦然，因思同門中孫祿堂技特

高，問曰：你非孫祿堂乎？孫曰：然，周曰：師弟戲弄我，早知是你，兄方崇拜之不暇，焉敢藐視，因握手歡笑，厚加款待，此一段笑話，選摘自國術名人錄中，蓋周一介武夫，目不識丁，幼同時，只知孫祿堂三字，而不知祿堂為孫福全之號也。

拳劍雙絕英雄相惜

四、劍王與拳王交歡，李景林，字芳辰，河北省張家口人，尚義任俠，酷嗜拳技，曾留學日本，清季入第四鎮當尉校官，民國後，北政府時，曾任直隸省督辦，係西北軍之高級將官。與張之

江、李鳴鐘等，稱為一時瑜亮，芳辰幼年時，遇丹士陳士鈞先生，授以武當劍術，該劍術據傳係張三手所創，高妙快捷，可稱為一代絕技，民二十及二十二年，南京上海，分開國術大會時，名家孫福全、李景林、楊澄甫等，皆係大會主席團中之主席及評判，孫福全以年高技高為總主席，大會閉幕時，這些主席們，也要示範表演一番，楊派太極拳宗師澄甫先生表演滑竿，其法白臘桿兩根，楊師與高足對立，各持一竿，兩竿相接相壓，不數回其高足已仰跌數丈外矣，蓋腕力已運至竿上矣；孫福全略演郝派太極拳，未露特技，

李景林演武當劍，初慢，漸快，急快，快至劍人渾合不分，一團白氣耀耀滾滾，終收劍凝神靜立，一時掌聲雷動，歎觀止矣，環顧海內，再未見有如李景林之劍術高超者，人稱之為劍王，孫祿堂先生之拳技，亦屬海內第一，人稱之為拳王，二王相交甚厚，所謂惺惺相惜，猶憶民十九年時，上海租界未收，芳辰先生，在呂班路有一公館，余跟一褚先生往謁，至則祿堂先生亦在坐，芳辰先生與孫先生，正小試吞雲吐霧中，當時社會習氣，以芙蓉膏為上等待客之禮，往事歷歷，猶在目前，歲月匆匆，歷時已五十年了。

中外文庫之二十五

戴笠將軍和他的同志

第一、二集出版
合售台幣壹佰肆拾元

抗日情報戰

喬家才編著

郵撥一四〇四四號中外雜誌社帳戶

第一集要目：虎穴游龍劉戈青。張家銓計擒酒井隆。淞滬指揮官楊蔚。胡子萍管人事交通。魏大銘建立通訊網。郝采蓮死裏逃生。王寶雲的悲壯故事。張秀君堅定沉着。張我佛立功異域。唐新與華中敵後工作。抗日硬漢張子奇。白世維一彈安華北。姜紹謨策反多奇謀。民運長才劉培初。汪祖華擅長訓練。書生法官沈維翰。邱開基促龍雲出兵抗戰。（定價柒拾元）

第二集要目：王撫洲策動經濟作戰。王兆槐勇於任事。勞建白忠誠正直。金遠詢任重三湘。陶一珊戰訓有方。郭履洲鐵胆佛心。執法隊長毛萬里。馬志超忠直可愛。王孔安萬里壯行。中美合作憶蕭勃。周念行話少年遊。游擊能手阮清源。沉毅篤實張為邦。英邁練達楊繼榮。朱若愚堅忍實幹。簡樸勤謹誠樸。黃加持取締幫會。王志超入死出生。吳景中政訓長才。王崇五進出山東。楊遇春膽識過人。李葉超多面才華。樂書田「愚公移山」。吳安之錚錚鐵漢。謝鎮南報答知遇。羅敬殘而不廢。（定價柒拾元）一、二集合售壹佰肆拾元

山」。吳安之錚錚鐵漢。謝鎮南報答知遇。羅敬殘而不廢。（定價柒拾元）一、二集合售壹佰肆拾元